

U B/74 DEB
PUSPANITA

1985
KUALA LUMPUR, 29 MAC (BERNAMA) -- PERDANA MENTERI DATUK SERI DR. MAHATHIR MOHAMAD HARI INI MAHUKAN PARA ISTERI PEGAWAI KERAJAAN DAN PARA PEGAWAI WANITA MENINGKATKAN PENGETAHUAN MEREKA MENGENAI HAL EHWAL SEMASA NEGARA DAN CARA-CARA MELAYAN TETAMU ASING.

KATANYA, PERANAN ISTERI ADALAH PENTING SEBAGAI TEMAN KEPADA SUAMI DALAM BEBERAPA KERJANYA DI LUAR DARIPADA JABATAN.

BERUCAP DI JAMUAN MALAM PUSPANITA DI SINI, PERDANA MENTERI BERKATA KERAPKALI PARA PEGAWAI TINGGI TERPAKSA MENJADI TUAN RUMAH APABILA TETAMU ASING MELAWAT NEGARA INI.

BELIAU BERKATA INI SECARA LANGSUNG MEMBABITKAN ISTERI-ISTERI PEGAWAI TERSEBUT TERUTAMANYA APABILA TETAMU-TETAMU ASING ITU DATANG BERSAMA ISTERI MEREKA.

MENURUT PERDANA MENTERI TIDAK SEMUA PARA ISTERI MENGETAHUI SELUK-BELUK SEBAGAI TUAN RUMAH SEPERTI SEPATUTNYA. OLEH ITU MEREKA PERLU MEMPELAJARI SELUK BELUK INI. -- LAGI.
2356MST 29 03 85

D536

U B795 DEB
PUSPANITA 2 KUALA LUMPUR

PERDANA MENTERI BERKATA SEDIKIT SEBANYAK HASIL DARIPADA LAYANAN ITU AKAN MEMBERI KESAN KEPADA PENTADBIRAN NEGARA.

BELIAU MENEGASKAN SESEBUAH NEGARA ITU DIMULIAKAN BERGANTUNG KEPADA TINGKAH-LAKU DAN KEMAMPUAN RAKYATNYA MELAYAN TETAMU.

MENGENAI PERWAKILAN NEGARA DI LUAR NEGERI PULA, PERDANA MENTERI BERKATA PARA ISTERI PEGAWAI KERAJAAN DI PERWAKILAN ITU JUGA TIDAK DAPAT MENGASINGKAN DIRI DARIPADA PENGLIBATAN YANG SERUPA.

MEREKA JUGA MESTI TAHU CARA-CARA BERGAUL DENGAN ORANG LAIN, UJAR BELIAU.

DATUK SERI DR. MAHATHIR MENYERU SUPAYA RAMAI LAGI WANITA MENYERTAI PUSPANITA.

PERDANA MENTERI BERKATA KERAJAAN TELAH MEMBERIKAN SEBUAH BANGUNAN KEPADA BADAN TERSEBUT UNTUK DIJADIKAN IBU PEJABATNYA.

TURUT HADIR DI MAJLIS ITU IALAH ISTERI PERDANA MENTERI DATUK SERI DATIN PADUKA DR. SITI HASMAH YANG JUGA PENAUNG PUSPANITA. -- BERNAMA.